



Annunzia per la chatscha da capricorns 2024

1. Premissa per s'annunziar per sajettar ina chaura ed in buc

per l'emprima chatscha:

Chatschadras e chatschaders ch'èn ids fin a l'annunzia durant almain 5 onns a la chatscha auta grischuna e che n'èn fin ussa betg anc sa participads a la chatscha da capricorns.

per la segunda, terza, quarta u tschintgavla chatscha:

Chatschadras e chatschaders ch'èn ids l'onn 2014 u pli baud l'ultima giada a chatscha da capricorns, e dapi lura durant almain 5 onns a la chatscha auta grischuna.

2. Repartiziun da las classas da vegliadetgna

Ils bucs vegnan attribuids a las chatschadras ed als chatschaders tenor classas da vegliadetgna sco suonda:

a) classa giuvna A,	bucs 1 fin 2	chatschaders da 24 fin 29 onns
b) classa giuvna B,	bucs 1 fin 3	chatschaders da 30 fin 44 onns
c) classa giuvna C,	bucs 4 fin 5	chatschaders da 45 fin 54 onns
d) classa mesauna e veglia,	bucs 6 fin 10 ed 11 ⁺	chatschaders da 55 onns e dapli

Chatschadras e chatschaders, als quals igl era gia vegnì repartì in buc da la classa mesauna u veglia, ston puspè cumenzar a sajettar in buc da la classa giuvna A, en cas ch'ellas ed els sa participeschan danovamain a la chatscha da capricorns.

3. Colonias resp. colonias parzialas che pon vegnir tschernidas

classa giuvna A

(Flüela: colonia parziala Chöglias/Samnaun); Macun; Sesvenna/Terza; Umbrail; Safien/Rheinwald; Mesocco.

classa giuvna B

(Flüela: colonia parziala Vereina u Tuoi/Tasna u Chöglias/Samnaun); Fergen/Seetal; Umbrail; Mesocco; Oberalp/Frisal.

classa giuvna C

Albris; Julier-Süd; (Flüela: colonia parziala Val Tuors u Vereina u Barlas-ch/Lavinuoz u Chöglias/Samnaun); Macun; Sesvenna/Terza; Umbrail; Hochwang; Safien/Rheinwald; Vals; Caschleglia/Vial; Oberalp/Frisal.

classa mesauna e veglia

Albris; Julier-Süd; (Flüela: colonia parziala Tuoi/Tasna u Chöglias/Samnaun); Fergen/Seetal; Macun; Sesvenna/Terza; Rothorn/Weissfluh; Hochwang; Vals; Caschleglia/Vial; Calanda.

Annunzias vegnan acceptadas mo per las colonias resp. classas da vegliadetgna menziunadas qua survat! Sco survista vala er la tabella "Ausschreibung zur Steinwildjagd 2024" che stat medemamain a disposiziun sin la pagina d'internet www.ajf.gr.ch.

4. Procedura d'annunzia

Annunzia en scrit

Las chatschadras ed ils chatschaders che han il dretg da s'annunziar pon far quai dals **4 fin ils 15 da mars 2024** (data dal bul postal) en scrit per posta (**en mintga cas posta A Plus**) cun il formular d'annunzia tar l'uffizi da chatscha e pestga dal Grischun (adressa da consegna: Administraziun da capricorns, Armando Janett, Veia Sot Spondas 16, 7460 Savognin). Las infurmaziuns ed ils formulars d'annunzia chattais Vus sin la pagina d'internet www.ajf.gr.ch (RM / Chatscha / Actualitads).

La taxa da chanzlia importa 20.00 francs. Il quint vegn trames tiers ensemen cun la conferma d'annunzia pir suenter ch'il termin d'annunzia è scadi.

Sch'ina annunzia n'è betg valaivla, vegn la chatschadra u il chatschader infurmà.

Annunzias per e-mail n'èn betg admessas e na vegnan betg resguardadas!

Tenor la publicaziun ston las candidatas ed ils candidats inditgar la colonia resp. la colonia parziala, en la quala ellas ed els vulan ir a chatscha da capricorns. Ils giavischs d'in tschert territori vegnan resguardads tenor pussaivladad. Ins sto per part far quint cun in lung temp da spetga en tschertas colonias.

L'experientscha dals ultims onns mussa che la chatscha da capricorns è fitg pretensiusa per las chatschadras ed ils chatschaders en quai che riguarda las abilitads alpinisticas, la cundiziun, il giuditgar ils animals e l'abilitad da sajettar. Per quest motiv recumandain nus da ponderar bain eventualas annunzias, da far las preparativas correspondentas e da reservar trais emnas durant l'october per la chatscha da capricorns.

UFFIZI DA CHATSCHA E PESTGA
GRISCHUN
Administraziun capricorns



Armando Janett